

2005 年春聯

其一[一樓]

上聯：戰涌誅風過萬水

下聯：拚雲見日出頭天

橫披：有經霜雪有逢春

【說明】一世儂戰涌(cinn³ing²)誅風(tu¹hong¹)，行過千山萬水。1972 年師大碩士班出業了後，經過牛奶島大學(Green Island University)个磨鍊，一直到 1999 年應聘元智大學以前，做 27 年个罪人佻浪人，2003 年得清華博士學位，同時升等教授，2004 年連任台灣學會會長，禮聘到台中師範學院擔任台灣語文學系創系主任，雖然大髒雞慢啼，總算是「拚(拚)雲見日出頭天」、「有經霜雪有逢春」啦。

其二[二樓]

上聯：世事清滌逐家代

下聯：人生起落隨在伊

橫披：三分註定七分拚

【說明】2003 年个對聯「世事清滌無我代，人生起落有青天」傷過消極，今年我卜卡積極一點仔，所謂「盡人事、聽天命」，「聽天命」以前嘛愛先「盡人事」，三分天註定，七分愛靠拚。亂世是亂世，清滌佻逐家攏有值代(ti⁷tai⁷)，台灣人愛拼才會贏。

其三[五樓]

上聯：爆竹衝天天中意

下聯：梅花落地地回春

橫披：蕃藷也有出頭時

【說明】衝天炮點著(toh⁸)著會飛上天，可惜飛到天頂隨時爆炸，這是過去台灣人个命運。希望這擺个爆竹衝天，天會中意(ting³i³)，毋通互台灣人兮拚拚親像炮仔共款，一陣爽快、歡喜了後，著化為烏有。若按呢，中國梅花落花个時節，著是大地回春个時陣，也著是蕃藷出頭个時陣。

其四[門扇]

上聯：梅花落地

下聯：蕃薯出頭

其五[門扇]

上聯：好冊加讀

下聯：閑話減講

其六[門扇]

上聯：小人歇喘日

下聯：君子出頭時

【說明】活佇這個亂世之中，除了隨人顧性命，講幾句仔阿 Q 散氣(thau²khui³)个話，哪有啥辦法？